

## ԿՐՈՆԱԿԱՆ

### ՆԵՐՍԵՍ ԱՐՔԵՂԻՍԿՈՂՈՍ ՊՈԶԱՊԱՅԱՆԻ ՔԱՂԱՋԸ՝ ԽՈՍՎԱԾ ՄԱՅՐ ՏԱՃԱՐՈՒՄ ՃՐԱԳԱՆՈՒՅՅԻ ՊՏՏԱՐԱԳԻՆ

(5 հունվարի 2000 թ.)

*«Ծնաւ նոր արքայ ի Բեթղեհեմ  
քաղաքի. որդիք մարդկան, օրհնեցէք,  
գի վասն մեր մարմնացաւ»*

*(Շարական)*

«Յանուն Նոր և Որդոյ և Նոգոյն Սրբոյ. ամէն»:

Նոր արքա ծնվեց Բեթղեհեմ քաղաքում, ով դուք ժողովուրդ, օրհնեցեք Աստծուն, որովհետև նա մեզ համար մարդացավ:

Մարթեոս և Ղուկաս ավերարանիչները հանգամանորեն մեզ նկարագրում են Նիսուսի ծննդյան պատմությունը: Ղուկաս ավերարանիչը հետևյալ ձևով է խոսում և ասում. Նոմի Օգոստոս կայսեր ժամանակ, երբ Ասորիքի ղեկավարն էր Իրենիոս անունով մի իշխանավոր, իսկ Նրեասարանի թագավորը՝ Ներովդեսը, այդ ժամանակ Օգոստոս կայսրը հրահանգեց, որ բոլոր մարդիկ, իր կայսրության սահմանների մեջ ապրող, երթան որոշյալ մի տեղ, մասնակցելու համար մարդահամարին: Եվ որովհետև Նովսեիդը՝ Մարիամի ամուսինը, Դավթի ցեղից էր և Գալիլիայի Նազարեթ քաղաքում էր ապրում, ելավ և ճանապարհվեց դեպի Բեթղեհեմ, որ մտրավորապես 60-70 կմ հեռավորության վրա էր, և գիտեր նա, որ Մարիամը հղի էր և նրա վերջին օրերն էին: Երբ Բեթղեհեմ հասան, օթևան չգտան: Մարիամը ծանր հղիության իր վերջին ժամերի մեջ էր և սրիպվեցան մի ախոռ, մի մսուր գտնել, և Մարիամը այնտեղ ծնունդ տվեց Աստվածորդուն՝ Նիսու Քրիստոսին:





րուկ փվեց, երրորդը՝ Բաղդասարը, նրան գնուռս ներկայացրեց: Առաջինը թագավորական իշխանություն էր՝ ոսկի, մաքուր, որ ոչ մեկ ձևով չի խաթարվում և ոչ մեկ իրերի կամ նյութերի խառնուրդից չի բաղադրվում: Ահավասիկ, երկար դարերից ի վեր բոլոր գիտնականները փորձում են այդ և չեն կարողանում. ոսկին իշխանություն էր, թագավորություն: Կնդրուկը քաղցր բուրմունքն էր՝ Քրիստոսի քարոզությունը աշխարհի վրա, և այդ քարոզությունը մարդկության փրկության ուղիներ ցույց փայլու ձևն էր, բայց ո՛վ էր լսողը ճշմարտության ձայնին, իսկ գնուռը, ինչ որ կանայք Նիսուսի թաղման առիթով գնացին գերեզման նրա մարմինը գնուռելու համար, այդ էր խորհրդանշում, որ մահվան միջոց էր, սակայն մահվան դեմ հաղթանակ էր նշանակում:

Միրելի հավաքացյալներ. ահավասիկ Քրիստոսի ծնունդը Նայասարանյայց Եկեղեցին փոխում է շուրջ 2000 փարիներից ի վեր: Ծիշք է, եթե Քրիստոս ծնվել է մեկ թվականին, ապա Քրիստոս 1999 փարեկան պետք է լինի երկնքում, բայց երկնքում փարիք չկա, մեկ ժամը հազար փարի է, սահման չկա երկնքի ժամանակի հասկացողության, այդ իսկ պարճառով Նիսուս մեզ համար միշտ ներկա է, միշտ կենդանի, միշտ մանուկ, միշտ մեզի լուսեղեն օրինակ հանդիսացող ճշմարիտ Վարդապետ: Սակայն այդ Վարդապետի կյանքի ուղին դժվար ուղի եղավ, բայց միշտ հաղթանակներով պսակվեց և հաղթող Նարությանը ամբողջացավ:

Այսօր, երբ Սուրբ Ծննդյան այս փառավոր հիշատակը փոխում ենք Մայր Աթոռ Սուրբ Էջմիածնի Ծրագալույցի այս երեկոյան, մեր մաղթանքը և աղոթքը այն է, որ Աստված մեր երկիրը ամուր, հասարարուն պահի, մեր ժողովուրդը բարօր պահի, Մայր Աթոռ Սուրբ Էջմիածնին շինություն և պայծառություն պարգևի, Ամենայն Հայոց նորընտիր Կաթողիկոսին երկար, քաջառողջ, շնորհներով լեցուն կյանք պարգևի, որպեսզի լուսեղեն ճանապարհներ բացվեն մեր առջև, և կարողանանք ճշմարտությամբ, հավաքարմությամբ, անկեղծությամբ, սիրով ծառայել մեր Եկեղեցուն և մեր ազգին: Այսօր սրբեռանդ ասում են ձեզ, սիրելի հավաքացյալներ, Քրիստոս իսկապես «ձնաւ և յայբնեցաւ. ձեզի, մեզի մեծ ատերիս»: